



ՊԱՏՄՈՒԹՅԱՆ ՀԱՄԱՐ

«Էջմիածին» ամսագրի խմբագրության դիմանում վերջերս գտնվեց անտիպ մի գրություն, որի հեղինակն է հմուտ բանասեր, Ս. Մեսրոպ Մաշտոցի անվան Մատենադարանի տնօրեն, հանգուցյալ ակադեմիկոս Լևոն Խաչիկյանը: Դա մի նամակ է՝ գրված 1977 թվականին և ուղղված Վենետիկի Մխիթարյան միաբանության անդամ Կարապետ եպիսկոպոս Ամատունուն, վերջինիս «Ոսկան վարդապետ Երևանցի և իր ժամանակը» գրքի հրատարակության առիթով: Սույն նամակը իր ժամանակին հեղինակի կողմից ուղարկված է եղել Կարապետ եպիսկոպոս Ամատունուն՝ «Բալմալեպ» հանդեսում հրատարակելու խնդրանքով, սակայն այդ խնդրանքը չի հաջվել:

Ցավով արձանագրում ենք այստեղ, որ այսօր էլ դեռևս շարունակվում է Հայաստանյայց Առաքելական Եկեղեցու և նրա հոտի հանդեպ անբարյացակամ վերաբերմունքը Հայ Կաթողիկե Եկեղեցու որոշ սպասավորների կողմից:

Այդ իսկ պատճառով, վերոհիշյալ նամակը թեև մի քանի տարվա վաղեմություն ունի, սակայն ըստ էության այժմեական է: Ինչու, ուստի հարմար ենք համարում այն հրատարակել:

ԽՄԲԱԳՐՈՒԹՅՈՒՆ

ԿԱՐԱՊԵՏ ԵՊՍ. ԱՄԱՏՈՒՆՈՒՆ

Հոտ

Գերազանցա՞ն հայր Ամատունի, մի քանի օր առաջ ստացանք «Ոսկան վրդ. Երևանցի և իր ժամանակը» խորագրով Ձեր մեկագրության 3 օրինակները, որ նվիրաբերել եք Մաշտոցյան Մատենադարանին: Այդ առթիվ հայտնում ենք շնորհակալություն՝ պարտավորվելով առաքել Ձեզ մեր նոր հրատարակությունները:

Ստանալուն պես սկսեցի կարդալ Ձեր աշխատությունը և ավարտեցի մի շնչով: Կրկին ակնառու դարձավ լո՛ւսն համար, որ Վատիկանի արխիվներում ամբարված են հսկայական նյութեր հայոց պատմության ամենաբազմազան հարցերի մասին և որ Դուք ու Ձեր միաբանակիցները երջանիկ հնարա-

վորությունն ունեք օգտվելու այդ կուսական աղբյուրից՝ ի շահ հայոց պատմության ու հայ մշակույթի մութ ծալքերի լուսաբանության:

Ձեր հրապարակած նյութերը, անտարակույս, ընդարձակում են մեր գիտելիքները հայ տպագրության ոահվիրա Ոսկան Երևանցու գործունեության առանձին դրվագների մասին՝ մեկ անգամ ևս բացահայտելով, թե ինչպիսի ազնիվ նվիրում են ունեցել Ոսկանի պես հայրենասեր անձինք՝ հաղթահարելու իրենց առաքելության առջև ծառացած հապար ու բլուր արգելքները:

ԺԷ դարի առաջին կեսին ասպարեզ իջած մեր գործիչները քաջ գիտակցում էին, որ օ-

տար բռնակալական լուծը թողափել երազող հայրենասերը գործելու է՝ ի մտի ունենալով երկու կարևորագույն խնդիրներ.

1) Պետք է վերաբարձրվի ազգային գիտակցությունը ժողովրդական լայն զանգվածների սրտերում՝ հայ մշակույթի հնամենի գանձերը խոնավ նկուղներից հանելու ու շրջանառության մեջ դնելու և եվրոպական գիտության ձեռքբերումներին հաղորդակից դարձնելու ճանապարհով.

2) Պետք է քաղաքական պայքարի ուղիներ որոնի՝ դաշնակիցներ փնտրելով ամենուրեք:

Այս երկու խնդիրների լուծման ուղիներն էլ այդ ժամանակներում խաչաձևվում էին, հիմնականում, եվրոպական մայր ցամաքի վրա, քանի որ եվրոպացիներն էին, որ մեծ թափով սկսել էին ներթափանցել արևելյան երկրներ՝ ցույց տալով այդ աշխարհամասի ժողովուրդներին (ի թիվս որոց՝ նաև հայերին, մասնավորապես հայ առևտրական դասի ու հոգևորականության ներկայացուցիչներին) ռազմական արվեստի, տնտեսության ու մշակույթի մարպետում ձեռք բերած իրենց աննախադեպ նվաճումները:

Պատմությունը, սակայն, անմոռանալի դասեր էր տվել հայերին. և գաղտնիք չէր այլևս, որ օգնություն խոստացողները սուղ գին էին պահանջելու: Կաթոլիկ Եվրոպան ամեն մի օգնություն, նույնիսկ օգնության հեռավոր խոստում, պայմանավորում էր Հռոմեական Եկեղեցու գեյրազախության ճանաչումով, Քաղկեդոնի ժողովի սահմանումների անվերապահ ընդունումով, ազգային ավանդությունների մեծագույն մասից (եթե ոչ անմիջապես, ապա քայլ առ քայլ) հրաժարումով և, ի վերջո, ազգային կերպարանք ստացած Հայ Եկեղեցու ինքնագույն գոյության երաշխիքների սակարկումով:

Չէր ուսումնասիրության մեջ կտրական այդ պահանջների ընդառաջելը շատ մեղմ բանաձևում է ստացել. «Կաթոլիկ Եկեղեցու հետ հաղորդակցվել»: Իցի՛վ թե հարցը «հաղորդակցվելով» փակվեր: Ջահկեցիների անփառունակ վիճակը, լեհահայ թեմի բռնի դավանափոխության ողբերգությունը, ինչպես և շատ ուրիշ համանման փաստեր (ոչ հեռավոր անցյալից) տխուր մտորումների առիթ են հանդիսանում:

Ժէ դարի մեր գործիչները, այո՛, իրենց առջև ծառացած բարդ խնդիրների լուծման ճանապարհին հաճախ ստիպված էին լինում «հաղորդակցության» մեջ մտնել Հռոմեական Եկեղեցու հետ, ստորագրել տարբեր ձևի ու բնույթի «հավատո հանգանակներ» և այլն: Սակայն այդ ամենը կատարվում էր իրենց ուներին դրված ծանր բեռը նպատակադրված

հանգրվան հասցնելու ավելի նկատառումներով:

Անդրադառնալով Ոսկան Երևանցուն:

Ուսումնասիրենք մի երիտասարդ, եվրոպական գիտական նվաճումներին հաղորդակից լինելու իր բուռն ցանկությունն իրականացնելու հույսով հետևել է Արևելք առաքված միսիոնար Պ. Պիրոմալլին, որն, անտարակույս, շատ ավելի խորը գիտելիքներ ուներ, քան նույն այդ տարիներին Հայաստանի կրթական կենտրոններում դասախոսող վարդապետները: Պիրոմալլին, ըստ երևույթին, ոսկե լեռներ էր խոստացել երիտասարդ Ոսկանին, որը նրա հետքով մեկնեց Եվրոպա, սակայն մի քանի տարի ապարդյուն դեպքերումներից հետո, մեծ վրկանքներ կրելով ու ոչինչ ձեռք չբերելով, անսաց իր նախկին դասընկերների խորհրդին ու վերադարձավ հայրենիք: Այստեղ նա առաջ քաշվեց բարձր եկեղեցական պաշտոնների. դարձավ Ուշիի Ս. Սարգիս վանքի վանահայր, գուցե նաև Էջմիածնի լուսարար և այլն, ճանաչվեց ու գնահատվեց Հայ Եկեղեցու վարիչների կողմից որպես լուսամիտ ու հայրենանվեր մի գործիչ, որին կարելի է վստահել հայ տպագրությունը խանձարուրային վիճակից դուրս բերելու և ժամանակի պահանջների մակարդակին բարձրացնելու ծանր, հսկայական ջանքեր և մեծ պոռոգություններ պահանջող գործի կազմակերպումն ու ղեկավարությունը:

Վաղուց ի վեր հայտնի և, ավելի մեծ չափով Չեր կողմից շրջանառության մեջ դրված նյութերից պարզ է դառնում, որ Ոսկանը սրբությամբ կատարեց իր առաքելությունը՝ հաղթահարելով բյուր խոչընդոտներ:

Ժամանակակից եվրոպացի ու ծագումով հայ, բայց Հռոմեական Եկեղեցուն ծառայագրված մի շարք գործիչներ, Չեր իսկ բերած նյութերի համաձայն, Ոսկան Երևանցուն հերձվածող ու հերետիկոս են համարել: «Ոսկան եպիսկոպոսը,—գրել է նրանցից մեկը,—Ամստերդամի մեջ հերետիկոս պատրիարքի (իմա հայոց կաթողիկոսի) հրամանով հայաբարբառ Աստվածաշունչ կտպա՞րե, ամենևին լի սխալներով»: Նրան արգելում են Լիվոռնոյում պատարագ մատուցել, Հոլանդիայի կաթոլիկ եպիսկոպոսին հրա՞հանգ է տրվում քայլ առ քայլ հետևել նրա գործունեությանը և «ի հարկին խափանել ևս այդօրինակ գիրքերու ելքը Հոլանտայեն», բռնագրավում են նրա հրատարակած Աստվածաշնչի օրինակները և այլն և այլն:

Եվ այս մղձավանջային միջավայրում բուռն գործունեություն ծավալած հայրենանվեր գործիչը կարո՞ղ էր, արդյոք, «Կաթոլիկ Եկեղեցվի հետ հաղորդակցության» մեջ

չմտնեց: Եվ մի՞թե գործի շահերից բխող այդպիսի «հաղորդակցություն» իրական կամ չլինե՞ա փաստերը վկայում են նրա Հումանական Եկեղեցու դավանանքն ընդունած վիճելու մասին: Ոչ ամենևին:

Եվ եթե, ախուրանալով, ժամանակակից գրագրությունների մեջ կան մի քանի ակնարկներ Ոսկանի հումանազականության մասին, դրանք դյուրությամբ ստանում են իրենց տրամաբանական լուծումը, եթե մտաբերում ենք Ֆրանսիացի նշանավոր ճանապարհորդ ժան Եարդենի հաղորդած ուշագրավ տեղեկությունները Եվրոպայում ստիպողաբար կարողից դավանանք «ընդունած» հայերի մասին, որոնք, վերադառնալով հայրենիք, հնարավորություն են ստանում ակաշխարհ արտահայտելու իրենց համոզմունքը: «Ես,—գրում է Եարդենը,—խոսքեր չունեմ նկարագրելու այն խորամանկություններն ու այն ծախսերը, որոնց այդ (իմ հայերի) հավատափոխության» նպատակով դիմում էր Հոմի Աթոք, սակայն ոչ մի բան զանկացած հետևանքներին չհասցրեց, որովհետև հենց որ այն հայերը, որոնք Եվրոպայում հեռացել էին իրենց կրոնից՝ վերադառնում են իրենց տները, խկույն ամիկի հայ են դառնում, քան տեղում ապրողները և իրից սկսում են անիծել Լևոն պապին, ինչպես մեկին այն գլխավոր պատճառներից, որոնք խանգարեցին արևելյան և արևմտյան Եկեղեցիների միությանը՝ անիծելով միաժամանակ և նրա հաջորդներին և ատելությամբ վերաբերվելով Հոմեական Եկեղեցու վարդապետությանը, ինչպես իրենց Եկեղեցուն միանգամայն հակասող վարդապետություն»:

Այս հանգամանքն անտեսել հնարավոր չէ: Կերպայմառ հայր, Հոմի Աթոքի ղեկավար օղակների մասին իմ ունեցած գիտելիքների ընդարձակվեցին Զեր ուսումնասիրության միջ առկա ավանդելով: Ավելի մեծ չափով պարզ դարձավ, որ Ոսկանի գործունեության տասնամյակներում կարևոր հարցերը կարողից աշխարհում լուծվում էին Հավատաքնության (ինկվիզիցիայի) ժողովի անդամների հրահանգներով, իսկ Հավատաքնության (պրոպագանդա Ֆիդելի) գործիչները գրեթե ցուրկ էին իրական իշխանությունից. «ՀՍ-ի ժողովին պատասխանատու մարդիկ,—գրում էր Դուք,—սեղմորեն կաշկանդված կզգային իրենք վիրենք հավատաքնության տիրող օրենքներուն առջև» (էջ 196):

Նկատի առնելով այդ հանգամանքը՝ հավիլ թե հնարավոր լինի Հավատաքնության բնագավառում աշխատող որևէ անհատ անձնավորության կարծիքը որևէ գործչի կամ երևույթի մասին համարել Հոմեական Եկեղեցու պաշտոնական կեցվածքի ճշգրիտ

արտահայտություն, քանի որ այդ կեցվածքն իրականում մշակվում էր Եկեղեցու ղեկավարության այն օղակներում, որոնց հրահանքի ներքո էին գտնվում հավատաքնության առյանները և բոցավառվում խարույկները:

Ի վերջո՝ երկու խոսք ևսև Հավատաքնություն մարզում աշխատող անհատների նամակների կամ պաշտոնական գրությունների մասին, որոնց մեջ պզալի տեղ էին գրավում իրական փաստերը սրողելու կամ ինքնամեծարման նպատակով շարադրված օրինակները:

Պ. Պիրումայիի՝ Հայաստանից առաքված նամակներն ու ինքնակենսագրական գրությունները ճանաչողական պզալի արժեք են ներկայացնում: Նախիջևանի հայ կարողիկ համայնքի կացության, հայ ժողովրդի տղամտեական ու իրավական ծանր վիճակի, ավազակաբարո պաշտոնեության ու նրանց շարաշահումների, Էջմիածնի վանքի գործունեության, ուսումնական գործի դրվածքի, հայ ինքնորակաության բարոյական կերպարի և բազմաթիվ այլ հետաքրքրական հարցերի մասին Պիրումայիի հաղորդում է արժեքավոր տեղեկություններ: Թերևս պետք է այդ ամբողջ նյութը՝ հայերեն թարգմանությամբ հրապարակել, որպես բովանդակալից պատմական սկզբնաղբյուր:

Սակայն հենց Զեր մեջ բերած տվյալներից դժվար չէ եզրակացնել, որ Պիրումայիի այն անձնավորությունը չէ, որի բոլոր ասածներին կարելի լինի հավատ ընծալել: Հիշենք, թեկուզ, ջահեղեցիների ասածը նրա մասին. «Ես այն բանը պոր և գրեալ այ ի սուրբ ատեաւոյ, ամենայն սուտ է»: Եվ արդոք սուտ չէ՝ նրա հավաստիացումը, որ Կ. Պոլսի հայերը ոչ միայն իրեն հրավիրում են եկեղեցի, այլև «պիս այլ կիիշատակեն իրենց պատրիարքին հետ» (էջ 76): Եթե այդքան դուրին բան էր Պիրումայիի նման շարքային քարույշի անվան հիշատակությունը եկեղեցում, ապա ինչո՞ւլ բացատրել այն փաստը, որ Լվովոնոյի հայերը տարիներ շարունակ ապարդյուն դիմումներ էին ուղղում Կաթողիկ Եկեղեցու պետերին ամենայն հայոց կաթողիկոսի անունը հիշատակելու թույլտվություն ստանալու համար:

Միտք բանիս այն է, որ Պիրումայիի հավաստիացումսներն իրեն հետևած մեկ-երկու աշակերտների (որոնց թվում և պատանի Ոսկանի) Հոմի Աթոքին հարած լինելու մասին, ըստ էության ոչինչ չի նշանակում: Նախ Պիրումայիի շատ էլ ճշմարտախոս չէ: Եվ ապա՝ Ոսկանի պես ուսման ծարավ երիտասարդը դյուրությամբ կարող էր հետևել Եվրոպայից ժամանած գիտուն-քարույշին, նույնիսկ նրա միջոցով «հաղորդակցության» մեջ մտնել Կաթողիկե Եկեղեցու հետ, եթե նրան

համույժում էին, որ էական տարբերություն չկա Հռոմեական ու Հայաստանյայց Եկեղեցիների դավանանքների միջև, կամ երբ նա ինքը համոզվում էր, որ մեծ ու ազգօգուտ գործեր կատարելու և իր ժողովրդի լուսավորության գործին սատարելու համար, քրիստոսաբանական անպտուղ վեճերից խուսափելով, պետք է համակերպվեր եվրոպական իրականությանը՝ օգտվել կարողանալու համար տեխնիկական այն նորագույն միջոցներից, որոնցով էր պայմանավորված հայ տպագրությունը փակուղուց արքունի ճանապարհի հանելու մեծ գործի հաջողությունը:

Այսպիսով, Ոսկան Երևանցին է՛ր ու ջարդունակում է մնալ հարապատ զավակն իր ժողովրդի, որ երբեք չի դավաճանել իր ընկրկումներին, այլ միշտ ու ամենուրեք, ուր

էլ որ նետել են նրան հայ տպագրության գործի շահերը, մնացել է իր առաքելության բարձր դիրքերում, որպես ազգային Եկեղեցու բարձրաստիճան պաշտոնյա ու հայ մշակույթի լիակոր ներկայացուցիչ:

Գերապայծառ հայր, Ձեր հետաքրքրական գրքի ընթերցումից հետո այսպիսի մտորումներ ունեցա և կարծեցի, որ դրանք թողթին հանձնելով՝ կատարած կլինեմ իմ պարտքը հեղինակի հանդեպ, որպես ուշադիր ընթերցող և միջնադարյան պատմության հարցերով զբաղվող բանասեր:

Հարգանքներով՝

Լ. ԽԱԶԻԿՅԱՆ

24 հունվար 1977 թ.

